

顯教轉八識而成就四智，以立為究竟之報身如來。密教於此加第九識（菴摩羅識；第九識在因位，為八識之總體。八識者，第九識之別作用也）所轉之法界體性智而為五智，以為金剛界智法身之大日如來：

一、法界體性智，是轉菴摩羅識所得。法界有差別之義，諸法差別，其數過於塵沙，是為法界。法界體性即六大也。

大日住於此六大法界之三昧，名為法界體性智，主方便究竟之德。

二、大圓鏡智，是轉阿賴耶識所得。顯現法界之萬象，如大圓鏡之智也。

三、平等性智，是轉末那識所得。成諸法平等作用之智也。

四、妙觀察智，是轉意識所得。分別好妙諸法而觀察眾機，說法斷疑之智也。

五、成所作智，是轉眼等之五識所得。成就自利利他妙業之智也。